



Broj: 12-34-74-1 /19
Sarajevo, 16.01.2019. godine

Na osnovu člana 21. stav 1. Zakona o reviziji institucija u Federaciji Bosne i Hercegovine («Službene novine Federacije BiH», broj 22/06) i Odluke generalnog revizora Ureda za reviziju institucija u Federaciji Bosne i Hercegovine, broj: 12-34-73-1/19 od 16.01.2019. godine, raspisuje se

JAVNI POZIV

za iskazivanje interesa kvalifikovanih stručnjaka iz oblasti Zakona o javnim nabavkama za učestvovanje u finansijskim revizijama

I

Ured za reviziju institucija u FBiH u svrhu uspostavljanja evidencije stručnjaka koji se mogu angažovati po potrebi za obavljanje revizije procesa javnih nabavki, raspisuje Javni poziv za iskazivanje interesa kvalifikovanih stručnjaka iz oblasti Zakona o javnim nabavkama¹ za učestvovanje u finansijskim revizijama.

II

Angažman se vrši na osnovu Zakona o reviziji institucija u FBiH, Okvira međunarodnih standarda vrhovnih revizionih institucija („Službene novine FBiH“, broj 101/18) i Međunarodnog revizijskog standarda 620 - Korištenje rada revizorovog eksperta, s ciljem ispomoći pri reviziji i pribavljanja dovoljno adekvatnih revizijskih dokaza.

III

Angažovani stručnjaci će biti dužni poštivati Etički kodeks Ureda za reviziju (broj 01-02-41/2017 od 16.01.2017. godine) i čuvati povjerljive informacije. Prava i obaveze, kao i vrsta, djelokrug i ciljevi rada lica koja se angažuju u svojstvu stručnjaka bliže će se regulisati ugovorom o angažovanju (ugovor o djelu), u skladu sa internim aktima Ureda za reviziju.

IV

Pravo prijave na Javni poziv imaju lica:

- koja posjeduju VSS - VII stepen stručne spreme, odnosno visoko obrazovanje po Bolonjskom sistemu studiranja sa najmanje ostvarenih 240 ECTS bodova, ekonomski ili pravni fakultet
- koja posjeduju najmanje 5 godina radnog iskustva u struci (napomena: pod radnim iskustvom podrazumijeva se radno iskustvo nakon stečene diplome)
- dokazano iskustvo iz oblasti javnih nabavki/Zakona o javnim nabavkama.

V

Za prijavu na Javni poziv, zainteresirana lica su dužna priložiti:

- Biografiju koja obavezno sadrži ličnu biografiju, obrazovanje, radno iskustvo i druge relevantne podatke.
- Diplomu o završenom ekonomskom ili pravnom fakultetu, univerzitetska diploma (nostrifikovane diplome, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine) odnosno, za kandidate koji su visoko obrazovanje stekli po Bolonjskom procesu uz univerzitetsku diplomu i dodatak diplomu. Izuzetno, samo u slučaju da visokoškolska ustanova dodatak diplomu nije uopšte izdavala, niti za jednog diplomca, kandidat je dužan da uz ovjerenu kopiju

¹ „Službeni glasnik BiH“, broj 39/14

univerzitetske diplome, dostavi uvjerenje visokoškolske ustanove da dodatak diplomi nije uopšte izdat, niti za jednog diplomca;

- Uvjerenje o radnom iskustvu

Napomena: Uvjerenje treba da sadrži opis i vrstu poslova koji su obavljani u periodu od pet godina.

- Dokaz o iskustvu iz oblasti javnih nabavki/Zakona o javnim nabavkama

- Uvjerenje da se protiv kandidata ne vodi krivični postupak, izdato od nadležnog suda (ne starije od tri mjeseca).

VI

Sve potpune i blagovremeno podnesene prijave će se uzeti u razmatranje, te će se obaviti razgovor sa zainteresiranim licima koji ispunjavaju uslove iz tačke IV. Nakon provedene procedure, izabrani stručnjaci će biti stavljeni u Evidenciju stručnjaka iz oblasti Zakona o javnim nabavkama Ureda za reviziju.

Izabrani stručnjaci dužni su dostaviti uvjerenje da nisu pravomoćno osuđeni na kaznu zatvora za krivična djela sa izuzetkom krivičnih djela protiv sigurnosti u saobraćaju u skladu sa Krivičnim zakonom, izdato od nadležnog ministarstva unutrašnjih poslova (ne starije od tri mjeseca).

VII

Javni poziv se objavljuje u dnevnim novinama "Oslobođenje" i "Večernji list" i na web stranici Ureda za reviziju institucija u Federaciji BiH, www.vrifbih.ba.

VIII

Prijavu na ovaj Javni poziv, sa svim potrebnim dokumentima dostaviti najkasnije u roku od 15 dana, od dana posljednje objave ovog Javnog poziva, lično ili preporučenom poštom, na adresu:

„Ured za reviziju institucija u Federaciji Bosne i Hercegovine“

Ul. Ložionička br. 3,

71 000 Sarajevo

Na koverti sa prijavom obavezno naznačiti: „Prijava na javni poziv - ne otvarati“. Na poleđini koverta navesti ime i prezime podnosioca, adresu i kontakt telefon. Nepotpune, neuredne i neblagovremene prijave neće se razmatrati.

URED ZA REVIZIJU INSTITUCIJA U FEDERACIJI BOSNE I HERCEGOVINE